

# *TANA, UNDZI LANDZELA*

 Kunene, ee, sweswo swi humelele Becky a nga se velekiwa. Kutani swingaleswi ndzi—ndzi ehleketa leswaku, “Kunene, maswitiva...” Ntsena ndzi—ndzi dya bawulu ya swakudya swa tindoho, leswi swi durhaka xingwece. Kunene, ntsena ndzi... Va ndzi nyikile thikithi ra mina, kutani ntsena ndzi ri sayina, maswivona, nakona ndzi ri hakerile, ndzi ri tlherisa, kutani ndzi ri tlherisela ndzi ya ri nghenisa, hikuva a ndzi ri na xikweleti xa madurhele ya kona.

<sup>2</sup> Kutani siku rin’wana loko ha hari na—na nhlengeletano ya varindzi. “Mina,” va teri, “i mani nati loyi a hundzulukelaka eka swin’wana tani hi sweswo xana?” Wa vona? Mu—mu munhu loyi a rhangela, maswitiva, “Cheleni ya swakudya swa ni mixo?” Kutani sweswo swi tikomba swi chipile hakunene eka vanakulorhi lavan’wana, maswitiva. Van’wana va vona a va humesa dolara, wa vona; tidolara timbirhi ta swakudya swa ni nhlikanhi. Kutani ndzi chela hakunene leyi a yi laveka.

<sup>3</sup> Kunene, ndzi ku, “Kunene, sweswi, a kuna xivangelo eka mina xo hoxela. Xana ndzi nga endla yini loko ntsena ndzi nga dya, cheleni?”

<sup>4</sup> Nkul. Fields, loyi a ri mupfuneti wa superintendente, a ku, “Billy, hoxela dolara, hi ndlela yin’wana, nyana.” A ku, “Sweswo hi leswi hinkwavo ka vona va endlaka swona.” A ku, “U fanele ku swi endla ku fana.”

<sup>5</sup> “Kunene,” ndzi ku, “A ndzi—ndzi kalanga ndzi dya handle ka bawuli ya swakudya swa tindoho, nakona sweswo hi leswi ndzi nga hakelela swona.”

A ku, “Oho, u nga swi endli, u nga pfuki u swi endlile sweswo.”

<sup>6</sup> Kunene, kutani ndzi ehleketa, “Leswaku ndzi ta endla yini ha swona?” Hiloko ndzi ti chaja ntlhanu wa macheleni ya swakudya swa ni mixo. Hiloko ndzi pambula mune wa macheleni eka yona, loko ndzi lava ku yi tirhisela swin’wana, ku yi nyika vana van’wana exitarateni; vana van’wana, maswitiva, sweswo a swi tikomba tani hiloko va lava sangweji nyana ya khale, sangweji, na vona. Kunene, ndzi ehleketa leswaku nkarhi wun’wana ndzi nga ha... Hiswona, yaleyo a yi ri khampani, hi yoxe, yi vulavulaka na mina hi ndlela yaleyo. Yaloye a ri munhu loyi a humaka ekhamphanini.

Swingaleswi, ndzi ehleketa leswaku, “Kumbexani ndzi endle swin’wana swo hoxeka.”

<sup>7</sup> Swingaleswi lahwani ku nga ri khale, na murindzi... Sweswi va rindza hi tihelikopta, maswivona.

Swingaleswi u tile hi kwala kusuhi a fika a yima. A ku, “A vula leswaku, Makwerhu Branham,” a ku, “murhi lowu wu le ku kuleni.”

Ndzi ku, “Ina.” Ndzi ku, “Vana va huhwela ehansi ka wona kwalahaya.”

A ku, “Xana hi nga wu kurisa xana?”

Ndzi ku, “Ina, kambe wu nga tsemiwi. Wa vona?”

A ku, “Kunene, hi tsakela ku wu tsema. Hi ta ku hakela wona.”

<sup>8</sup> Ndzi ku, “Ee. Ee. A ndzi mi lavi mi wu tsema.” Kunene, ndzi tiva milawu yo pfumelela, na mina, maswitiva, hikuva a ndzi ri eka wona kuringana nkombo wa malembe. Ndzi ku, “Ee.” Ndzi ku, “A ndzi wu lavi wu tsemiwa, kambe mi nga ha wu kurisa.” Ndzi ku, “ndzi—ndzi wu lava wu kurisiwa, kambe,” ndzi ku, “u nga ha swi endla. Mi nga ha wu kurisa loko mi swi lava.” Ndzi ku, “Mina, Makwerhu Woods na mina, hi tilulamisela ku wu kurisa. Hi kurisila na leyi yin’wana leyi yi nga lahwani.” Hiloko ndzi ku, “Kambe walowo hi lava ku wu tshika kwalaho hi ku endlela vana, Joe na vona, maswitiva, vanakulorhi lava ntsongo va huhwela ehansi ka murhi walowo.”

<sup>9</sup> Ndzi fambile hi rendzo. Loko ndzi vuya, a wu sahiwile wu tlhela wu susiwa. Oho, hi swihi leswi swi ringaneleke eka khamphani, maswivona, swa ku tsema murhi walowo, maswivona. Kutani hiloko ndzi ehleketa, “Sweswi,” ndzi ku, “Hosi, a ndzi nge swivuli hambi kuri ku swivula sweswo.” Wa vona? “Ni loko kuri na swin’wana leswi ndzi—leswi ndzi, eka sweswo, nkarhi wun’wana ku jika u nghena, ntsena ku dya ringanelo wa xingwece, nakona a ndza ha fanele hi ku hoxela ‘ntlhanu wa macheleni.’” Wa vona? Ndzi ku, “Loko kuri na swin’wana eka sweswo, swi tshiki swi wu kurisa, wa vona, leswaku—leswaku ndzi—leswaku ndzi hoxela yaleyo, maswivona. Leswaku ndzi . . .” Kutani ndza yima hi ku lorha hikuva ndzi ri eka Public Service Company kwalaho, wa vona, hikuva swi fanele kuri kuya hi swin’wana leswi swi nga endzhaku lahaya.

Hi fanele ku languta leswi hi swi endlaka. Hi ta fanele ku hlangana na wona siku rin’wana.

<sup>10</sup> Vana, va ta lahwani. Manana wa wena ari kona lahwani, siku rin’wana ra namuntlha, Trudy. Ndza bvumbha leswaku a wu nga switivi, a wu nga switivi. Lexi hi xin’wana xa xihlamariso, ndza swivona. Nakona u tilulamisela ku mbala gaweni. Nakona hi vile na rona swin’we rendzo ro ta lahwani. Ndzi taya enhlengeletanwini sweswi, xikan’we–kan’we endzhaku ka nhlengeletano leyi. Nakona hi taya ekaya.

<sup>11</sup> A ndzi ehleketa leswaku i nkarhi wa kahle wo vulavula na n’wina hinkwerhu, nakambe a ndzi ehleketa leswaku

swi ngava swi ri kahle ku vulavula na vana xinkadyana u nga se ambala gaweni ra wena. Ndzi hlaya vheseyi yi humaka eBibeleni, kutani ntsena ndzi vulavula na wena kusuka embilwini ya mina, kuringana kwalomu ka khume ra timinetse. Ndzi ta rhetemukela endlelenu ya wena. Wa vona?

<sup>12</sup> Ndzi nga se vulavula na vana, ntsena ndzi tsakela ku vulavula na lavakulu ntsena xinkadyana, na vona, hinkwerhu ka n'wina. Hi kona sweswi, kumbexani, kumbexani rendzo ro tshikelela, leri ri ngava kona. Kambe ntokoto lowu ndzi nga wu dyondza eka Xikwembu, ndzi ngaka ndzi nga teki khume ra magidi ra tidolara eka leswi ndzi nga swi dyondza eka Hosi kusukela loko ndzi tava ndzi ri lahwani. Hi ntiyiso ndzi pfumela hi ku yingisela loku ku hetisekeke eka ku lerisa ka lowa Matimba hinkwawo, nakona ndzi—ndzi tshembha leswaku ndzi nga ha tshama hi ndlela yaleyo. Nakona ku na . . .

<sup>13</sup> Loko ndzi fika, nchumu wun'we, a wuri hi xivono, leswaku a ndzi yimile ehenhla ka Tucson ehenhla lahaya loko ku—ku—ku buluka ku humeleta. Kunene, Makwerhu Fred a ri kwalahaya loko ku humeleta. Nakona va fodile xifaniso xexo sweswi, maswitiva, exibakabakeni. Nakona a ndzi kalanga ndzi ehleketa ngopfu haxona, a ndzi kalanga ndzi xi lemuka. Swingaleswi swi sungule ku ndzi tiyisa hi ndlela yin'wana, siku rin'wana. Kutani Makwerhu Norman, tatana wa Norman loyi a nga lahwani, u ndzi byerile, a ku, "U kale u swilemuka leswi xana?"

<sup>14</sup> Nakona ntsena tani hiloko ndza ha langutisa, lahaya a kuri na Tintsumi ta kona ti ri erivaleni tani hilaha Ti nga va ka hakona, ti tshamile lahaya exifanisweni. Wa vona? Ndzi langutile ndzi lava ku vona leswaku a kuri nkarhi muni, nakona a kuri nkarhi, wo fana, kwalomu ka siku kumbe mambirhi endzhaku, kumbe siku kumbe mambirhi endzhaku kaloko ndzi tava ndzi ri kwalahaya. Ndzi langutile leswaku a yi ri kwih. "N'walungu-vuxa bya Flagstaff, kumbe Prescott, leri ri nga ehansi ka Flagstaff." Kunene, kwalaho ntsena hilaha a hi ri kona, wa vona, hi kona hakunene.

<sup>15</sup> "Makume mbirhi-ntsevu wa timayili kuya ehenhla." Hikokwalaho ka yini, nkahelo wu ngaka wu ngayi ko tlula-tlula mune, timayili ta mune kuya ehenhla, kumbe ntlhanu, ndzhongho, muxaka wun'wana na wun'wana wa nkunghwa kumbe swin'wana, maswivona. Swihaha-mpfhuka swi hahela eka khume nkaye wa magidi. Kwalaho i kuva xi kumeka ehenhla ka mapapa hinkwawo, maswivona. Nakona khume nkaye wa magidi swi kwalomu ka mune wa timayile kuya ehenhla. Leswi swile ka makume mbirhi-ntsevu wa timayili kuya ehenhla, na makume nharhu wa timayile ku rhendzeleka ha rona, nakona ri ri eka xivumbeko xa phiramidi, loko mi tava mi ri langutile eka xivumbeko.

<sup>16</sup> Nakona eka tlhelo ra voko ra xinene, tani hilaha ndzi nga mi byela hakona, ndzi lemukile, leyi yi nga helelangiki, Ntsumi

yaleyo. Kwalahaya a Yi ri kona, yi humese xifuva, timpapa ti ri endzhaku, yi ta yi fika yi nghena endzeni, ntsena hi ndlela leyi swi nga visa xiswona. A ndzi kalanga ndzi swi lemuka loko ro sungula ti Ta va . . . A kuri na swilo swotala.

<sup>17</sup> Loko ndzi ri karhi ndzi rhelela siku rin'wana hi patu, ku vile na swin'wana leswi swi nga humelela leswi swi nga vulavula hi nchumu lowu ndzi—ndzi bohekaka ku wu endla. Nakona a hi—hi hungu ra mina.

<sup>18</sup> Nkarhi wun'wana, Leo Mercier u teri, a ku, "Makwerhu Branham, nkarhi wu tata endzhaku ka leswi," a ku . . . kwalomu ka ntlhanu kumbe ntsevu wa malembe lawa ya nga hundza, nkarhi wun'wana nkombo, a ku, "Hosi yi ya eku ncinceni ka ministri wa wena, Makwerhu Branham." Hiloko a ku, "Loko Xi ta swi endla, xikan'we—kan'we u taya u ya fola eswibedlhele, nakona u vulavula na vona u ri—ri emibedweni na swin'wana." A swi kalanga swi twakala kahle, hambi leswi a ndzi pfumela leswaku Makwerhu Leo ari eku ringetenka ku tshembheka ha swona.

<sup>19</sup> Kambe a swi kalanga swi twakala kahle, hikuva, wa vona, Hosi ya hina Yesu a nge se tshama a swi endla sweswo. Wa vona? Nakona U yile eswibedlhele. A kuri na un'we eka xibedlhele xexo. Ma swi tsundzuka leswaku a xi ri kwihi eBibeleni xana? Exihlobyenka xa Bethesda. Mintshungu leyikulu ya vanhu va nkoka a yi pavalarile kwalahaya, lava va nga kotiki ku famba, swilema, mabofu, lavo khwita, a va rindzerile Ntsumi. Sweswi, xexo a xi ri xibedlhele xa ximoya laha vanhu a va rindzerile ku hanyisiwa loku ko Kwetsima. Nakona hiloyi Muhanysi loyi a Kwetsimaka hi Yexe a nghenaka a fika a hanyisa un'we a tlhela a huma. Swingaleswi u ngaka u nga languteli munhu loyi a bolaka, kumbe ministri leswaku wu ya emahlweni, ku nga hava na wun'wana wo tlula walowo. Wa vona? Ndzi ngaka ndzi nga yimi na swona.

<sup>20</sup> Kutani tani hiloko ndzi tava ndzi sungurile ku hundzuluka, Moya lowo Kwetsima wu ta ehenhla ka mina. Ndzi komberile xitsalo eka Leo. Ndzi kuma xiphizani xa phepha, hiloko ndzi xi tsala. Xi le ka treyilara ya yena namuntlha, loko u tshame u va laha yi nga kona. I treyilara ya khale ya aluminiyamu leyi ndzi nga tshama ndzi yi rhwexa nhundzu leyi a yi nga ringani. Ntsena loko ma haya enyangweni, ku na xelufu eka tlhelo ra voko ra xinene, emahlweni ka treyilara. Yi tshamise ehansi kwalahaya. Ndzi yi vekile kwalahaya. A ku, "Siku rin'wana u nga ha yi koka u yi humesa. 'Xikwembu xi ngaka xi nga ncinci ministri, kambe Xi ta ncinka munhu na ministri.'" Sweswo hi leswi swi nga ta endliya.

<sup>21</sup> Wa vona, ndzi—ndzi tiva leswi ndzi fanelaka ku swi endla, kambe a ndzi—ndzi—ndzi nge swikoti, a ndzi nge swikoti eka

xiyimo lexi ndzi nga eka xona sweswi. Hikuva, ndzi fanele ku...Swin'wana swi fanele ku humeleta endzeni ka mina, sweswo swi ta teka Xikwembu ku swi endla.

<sup>22</sup> Hi na makungu yo tlhelela endzhaku ekaya. Vana va na ku navela ekaya, hinkwavo ka vona va lava ku tlhelela endzhaku. Swingaleswi ndzi le ku kunguhateni ka kuva tlherisa, loko Hosi yi swi rhandza, kumbexani endzhaku ka xikhongelo xa Muqhivela, kutani ndzi tlhelela endzhaku. Kusuka kwalahaya, a ndzi tivi. Kambe ndzi tiva tani hiloko nchumu walowo wu nga endzeni ka mina wu humeleta, ku ndzi endla leswaku ndzi va na matitwele yo tshunelela vanhu, ku hambana ni leswi ndzi swi endlaka sweswi. Ndzi alerile va—va vanhu, wa vona, nakona a ndzi—ndzi kalanga ndzi lava swin'wana swo swi endla na vona. Maswitiva leswi ndzi swivulaka, leswi ndzi swi vitanaka "ricky, ricketta," va vile na swilo leswi va nga swi endla. Ndzi chumayerile hi ku tshehbheka hinkwako, nakona Xikwembu a xi swi tiyisisa eka ndlela hinkwayo. "Nakona loko va nga swilavi ku Ri pfumela, hikokwalaho ka yini, va tshiki va ri voxé kwalaho."

<sup>23</sup> A ndzi ri karhi ndzi famba lahaya, ku ya joyinana na Bud eka ku hela ka nguva leyi yi tako, hi sungula ku pima-pima kwalahaya. Hi rindzela emananga, ndzi tshika misisi ya mina na malebvú swikula. Nakona loko Hosi yi ndzi lava leswaku ndzi ya kun'wana, Yi ta ndzi rhumela rito, nakona ndzi ta rheleta ndzi ya swi endla.

<sup>24</sup> Nakona endleleni, loko ndzi ta eka siku rin'wana, Yi ndzi yimisile. Nakona ndzi vonile...laha a ndzi ya kona. Ndzi—ndzi le ndleleni yo ya eka swin'wana sweswi. Kutani ndzi ehleketa, leswaku loko ndzi fika ekaya, ndzi ta endla leswi swi vuriwaka ku vulavula hi mbilu na mbilu, kumbe ndzi swi nghenisa eka thepi, kutani swingaleswi vanhu va nga ha kota ku swi vona leswaku hikokwalaho ka yini kuva na ku ncinka ka xihatla.

<sup>25</sup> Sweswi, vana va n'wina, ntsena mi nge...A hi veneni na rito nyana ra xikhongelo.

<sup>26</sup> Hosi Yesu, hi khensa ngopfu hi nkarhi lowu, wo tiva leswaku hi hlengelatane lahwani, lavantsongo ni lavakulu, na lava va le xikarhi. Nakona hi hlengelatanile, eka tlhelo leri ra Nkalamakumu, nakambe ku ta vulavula ha Wena na ku vulavula hi swilo leswi swi fambelenaka na Vutomi lebyi nga heriki.

<sup>27</sup> Nakona vona lava lavantsongo va tshameke lahwani yusiku lebyi, van'wana va vona va le ku grajuweteni, van'wana khale va grajuwetile. Kambe ndzi lemukile, Hosi, swin'wana leswi swa ha ku humeletaka eka tiawara tintsongo ku nga seva na xihlamariso xexo lexikulu, kumbe ku buluka loku kulukumba, ku nga teka ndhawu etshaveni ehenhla lahaya, n'walungwini wa Tucson, loko Tintsumi ta Hosi ti ta xikela

ehansi. Ndzi tsundzuka leswi swi nga vuriwa, nakona—nakona ngopfu—ngopfu hi vanhu lava ntsongo. Ndza Ku khongela, Hosi, ku hi pfuna ku twisia. Nakona ndzi nga ha kota ku vula swin'wana eka vanhu lava lavantsongo, vusiku lebyi, leswi swi nga ta va pfuna erendzweni. Hikuva, Hosi, hinkwerhu hi lava ku pfuniwa kwaloko eka lowu nkarhi.

<sup>28</sup> Hi katekisi kun'we. Hi rivaleli swidyocho swa hina. Nakona loko kuri na swin'wana leswi hi nga swi endla kusukela loko hi tava hi ri ehandle lahwani, leswi swi nga Ku tsakisangiki, ha khongela leswaku U hi rivalela eka swona. Hikuva ha swilemuka, namuntlha, leswaku hi hava—haya ku tiyisisa ka mundzuku. A hi switivi leswaku mundzuku ri hi khomele yini. Hi boheka ku lulamisela namuntlha leswaku hi ta hlangana na mundzuku. Nakona, Tatana Xikwembu, ko va na ndlela yin'we ntsena leyi hi yi tivaka yo swi endla leswi, ku nga, ku tilulamisela ku Ku vona, hikuva endzhaku nyana hi swilemukile leswaku hinkwerhu ka hina hi taya hi ya swi endla. Nakona hi ta fanela ku hlangana na swona nkarhi wun'wana, hambi kuri hi ku rhula, tani hi munghana kumbe n'wana, kumbe tani hi nala. A swive ekule, Hosi, leswaku hi nga hava swin'wana na swin'wana kambe hi va vana lava va rhandzekaka lava va nga va Wena N'winyi. Hi nyike swilo leswi hi swi kombelaka, hi Vito ra Yesu. Amen.

<sup>29</sup> Namuntlha, loko ndza ha tshetsha nhova, ka hari mixo swinene, ndzi kumile ndhawu aBibeleni, a ndzi ehleketa leswaku swi ngava swi ri kahle ku hlaya eka lowu nkarhi. Nakona i... a ku ngevi ku phamela loku ku nga tshamiseka, kambe ndzi ehleketa ntsena leswaku... ntsena timinetse tintsongo, ku vulavula. Ndzi lava ku hlaya leswi swi humaka eka kuavanyisa ka vu18 ka Mukwetsimi Luka. Hinkwavo va tsali va mune va Evhangeli va swi tsarile. Kuavanyisa ka vu18 na vhese ya vu18.

*Kutani hosana yin'wana yi n'wi vutisa, yi ku:  
Mufundhisi Lonene, ndzi endla yini eku va ni ndzhaka  
ya vutomi lebyi nga heriki?*

*Yesu a ku ka yena: U ndzi vulela yini lonene?  
A ku na lonene loko a nga ri un'we ntsena, xi nga  
Xikwembu.*

*U tiva milawu leyi nge: U nga tshuki u oswa; U nga  
dlayi; U nga yivi; U nga hembeli munhu; Chava tata  
wa wena na mana wa... wena.*

*Yena... a ku: Ndzi hlaysile leswo hinkwaswo, ndza  
ha ri ntsongo.*

*Kute loko Yesu a twa sweswo a ku ka yena; Wa ha  
pfumala xilo xin'we: Xavisa hinkwaswo... leswi u nga  
na swona, u avela swisiwana, ... hi kona u nga ta va ni  
xuma etilwени; ... kutani u ta, u ndzi landzela.*

<sup>30</sup> Ndzi ehleketa leswaku, rito, *Tana, U Ndzi Landzela*, rero ri tava ri ri xitsundzuxo xo antswa lexi ndzi nga xi nyikaka loko hi leswaku a ndzi vulavula na khume ra magidi ra vana, kumbe loko hi leswaku ndzo tivulavulela ntsena. I ku lerisa, nakona nchumu lowukulu swinene lowu ndzi wu ehleketaka lowu wu nga tshama wu nyikiwa un'wana na un'wana, nakona ngopfu–ngopfu munhu lontsongo, leswaku "Ndzi Landzi."

<sup>31</sup> U ta landzela un'wana. Sweswi, ntsena u... U nga ha swi tsundzuka sweswo. U ta landzela un'wana. Nakona hi ndlela leyi u landzelaka munhu, va na na ntiyiso wa leswaku, i mani munhu loyi u n'wi landzelaka. Wa vona? Hi...

<sup>32</sup> Paul nkarhi wun'wana u teri, "Vanani valandzeri va mina tani hilaha na mina ndzi nga wa Kreste." Hi marito man'wana, "Ntsena tani hiloko ndzi landzela Kreste, na n'wina mi ndzi landzela."

<sup>33</sup> Kutani sweswi, eka jika lowu, xi—xi xiyimo lexi xa vutomi laha hinkwerhu hi xi fikelaka. Kutani minkarhi yo tala mi ndzi twile ndzi huwelela "ricky, ricketta," na swin'wana. I, i nguva. I nguva leyi hi hanyaka eka yona. Hakunene a hi vona vanhu lava.

<sup>34</sup> Vanhu lava na vona i vanhu kukotisa hina. Vana lava va nga lahwani va ri na swisana leswi swi pfurhaka, vari karhi va ya ehenhla nale hansi exitarateni, ni kuya emahlweni hi ndlela leyi va nga xiswona, va ri karhi va zaha tisigarete ni ku nwa byalwa, na vanhwenyani lava va nga ambala hi maambalelo ya vugangu, na swin'wana, na vona i vanhwenyana na majaha lava va kotisaka hina. Wa vona? I vanhu na vona. Va rhandza. Va dya. Va nwa. Va etlela. Va hefemula. Va fa. I vanhu kukotisa hina leswi hi nga xiswona. Nakona hambi swi ri tano va na...

<sup>35</sup> Va hlaseriwile hi moyo wo biha. A va switivi. Kungari hi leswaku hi—hi vanhu, kambe hikuva, nkarhi wun'wana, varhangeri lava a va va rhangela va va yisile eka ndlela yo hoxeka.

<sup>36</sup> Sweswi, n'wina vanhwenyana na vafana mi tiva ku antswa ku tlula kwalaho. Maswitiva. Mi dyondzisiwe ku antswa kutlula sweswo. Mi na vatswari vo antswa, lava va letelaka ku antswa kutlula ku endla swo kotisa sweswo. Mi tiva ku antswa.

<sup>37</sup> Kambe a va swi endli, wa vona, hikuva tikereke leti va yaka eka tona i tikereke ta manguva lawa, ximanguva lawa. Nakona ntsena vo—vo hanyela siku, va duma swinene. Nakona, oho, mina! Yini... Vugangu byi va byinene eka vona. Wa vona? Swingaleswi va tano, yini... Tani hilaha ndzi nga vula nkarhi wun'wana, eka ntlangu lowu ndzi nga wu vona lahwani, kungari khale, wa Sodoma na Gomora, leswaku vavasati lava va nga hlaseriwa hi leswo biha va teri eka—eka Lot, "Leswi mi swi vulaka vugangu, ndzi swivula vunene."

<sup>38</sup> Yesu u teri, “Tani hilaha a swi ri hakona emasikwini ya Nowa, swi tava tano eku vuyeni ka N’wana wa munhu.” Swingaleswi hi tlhelele endzhaku eka ndhawu yaleyo nakambe.

<sup>39</sup> A hi languteni eka nakulorhi loyi, xinkadyana, eka leswi hi nga swi hlaya. A swi kanakanisi leswaku n’wana loyi u tswaleriwile ekaya ra kahle, kukotisa n’wina vana hilaha mi nga hakona. U kurisiwe hi vatswari va kahle. Hikuva, swa swi khorwisa, loko Yesu a tava a n’wi kombisile milawu ya Xikwembu. U teri, “Ndzi yi hlaisile kusukela ndza hari muntshwa.” Swi kombisa leswaku a ri tano, a ri tano. U kurisiwe kahle. A ngari ntsena-ntsena loyi a nga cukumetiwa. Nakona maswitiva, u—u kurisiwe kahle ku tiva leswi swi nga lulama, kukotisa hinkwenu n’wina vana lava mi nga xiswona. Nkarhi wun’wana u kurisiwile ehansi ka ku chava Xikwembu hi mhani na papa, ku—ku—ku n’wi dyondzisa kahle, loko a hari n’wana. Kunene, sweswo swi kahle.

<sup>40</sup> Nkarhi wun’wana, tani hi n’wana lontsongo, mhani wa yena ari na xidumo xa le henhla xa yena kuva a ri munhu wa kahle siku rin’wana. Tatana wa yena a ri na mali ya kahle, leswaku a nga ha n’wi dyondzisa ni—ni ku n’wi nyika dyondzo ley i nga yi kotaka. A ta huma na dyondzo ya kahle a tlhela a kota kuva xin’wana emisaveni. Nakona hi ku tshembheka ka mhani loyi na papa, ku dyondzisa n’wana loyi, nakona nkarhi wun’wana a fika laha a grajuwetaka kukotisa n’wina, wa vona, hi nkarhi lowu a nga pasa exikolweni ni kuva na dyondzo ya yena. A swi kanakanisi leswaku kumbexani ari mutinyungubyisi na ntsako wa—wa vutomi bya mhani na papa valava. A swi kanakanisi, hi masiku ya vona, ari na tihanci ta kahle, kukotisa leswi mi nga na timovha, na papa wa kahle na mhani wa kukotisa n’wina hinkwenu mi nga na vona, lava va swivonaka, mi na swiambalo swa kahle, na—na movha, nakona mi nga ha...nakona ntsena mi tiphina hi vutomi, ntsena kukotisa leswi mi nga na swona namuntlha.

<sup>41</sup> Kutani tatana na manana na...a va khongela va nga yimi leswaku—leswaku jaha ra vona ntsena ri nga hundzukeli eka munhu wa ntoloveloo, leswaku a nga ha tlula munhu wa ntoloveloo. Vatswari hinkwavo va lava sweswo. Xana mi kale mi twa Yesu a kongomisa eka nawu walowo wu nge, “Xixima tata wa wena na mana wa wena,” kutani a yima? Wa vona? Nakona sweswo i xidumo xa mutswari un’wana na un’wana, ku ta endlela swo antswa vana va vona, leswi va nga swikotaka, ku va dyondzisa, ku va nyika swilo leswi nkarhi wun’wana a va nga ta swikota ku swi fikelela. Yaleylo hi yona ndlela ley i ndzi vi twelaka ha yona vana va mina.

<sup>42</sup> Ndzi ehleketa leswaku, nkarhi wun’wana, hi kuya exikolweni, sweswi; ndzi ehleketa leswaku, ndzi rhumela Becky na Sarah na Joseph eka swikolo leswi swa le henhla

na swin'wana, xana hinkwako kuya emahlweni loku ku le kwihi xana? Ndzi ehleketa leswaku ndzi ta va teka hi tlhelela entshaveni, ni—ni ku ya va kurisela kwalahaya na...tani hilaha Makula ma hanyisaka xiswona.

<sup>43</sup> Kambe hi leswi leswi swi nga xiswona. Leswi swi nga endzeni ka n'wana swi ta humela ehandle. Swingari na mhaka ni leswaku u le kwihi, swi fanerile, swi ta humela ehandle. Loko kuri leswo biha swi nga endzeni kwalahaya, swi ta humela ehandle enkambeni wa Makula. Loko swi ri kahle leswi swi nga kwalahaya, swi ta humela ehandle eka nkampa wun'wana na wun'wana. Wa vona? Hi leswi swi nga endzeni ka n'wana, ku ti phontsha-phontsha ka n'wana, hi leswi swi nga endzeni ka n'wina. Nakona leswi mi nga xiswona sweswi hi leswi nkarhi wun'wana swi nga vaka vutomi bya n'wina hinkwabyo. Mi le ka xindhawani lexi xi ncincaka.

<sup>44</sup> Ma tiva leswaku i yini? Makume nhungu-ntsevu wa tiphesente wa lava va nga hundzuka va ya eka Yesu Kreste ku endleke a nga seva na makume mbirhi-n've wa malembe hi vukhale. Swa swi kombisa. Vuhlayeleri byi kombisa swona. Makume nhungu-ntsevu wa tiphesente ta lava va nga ta eka Kreste, va tile ku nga se fika makume mbirhi-n've ya vona. Wena, endzhaku kaloko u hundzile eka xiyimo xexo, mi va mi vumbiwa swinene kumbe ku tshama etindleleni ta n'wina. Oho, a swikoteki, hakunene. Va ta vari, na makume nkombo, makume nhungu, wa malembe hi vukhale, kambe a swi tolovelekanga. Wa vona?

<sup>45</sup> Wa ti endla wena n'winyi loko wa ha ri lontsongo. U tshamisia swidumo swa wena leswi u lavaka ku swi endla, ni leswi u ringetaka ku swi fikelela evuton'wini. U ehleketa ha swona. Kutani tani hiloko u ehleketa, hakunene, miehleketo ya wena, yi tiseriwa emiehlekeweni hi nchumu lowu wu nga tivikiki lowu—lowu wu fumaka miehleketo ya wena. Kutani loko swi va kona emiehlekeweni ya wena, kutani u swivula, leswaku u taya u ya swi endla. Nakona swidumo swa n'wina swi mi yisa eka yona.

<sup>46</sup> Swingaleswi, manana na tatana, va languterile jaha leri, na vona, leswaku ndhuma ya yena yi va leyikulu, kuri na mali ley iyi eneleke yo swi humesa. Kutani, a swi kanakanisi, va khongela leswaku ndzumulo leyi—leyi leyintsongo yi—yi nga ha kuma nkateko walowo. Maswivona, va—va endlile hinkwaswo leswi va nga swi endlaka. A nga hava ari na tihanci ta kahle, nakona—nakona kumbexani a fumile swinene exikarhi ka vavasati.

<sup>47</sup> Nakona leswi swi nga yaka eka wanuna, swi taya ni le ka wansati, swa fambisana, wa vona, hikuva hi vulavula hi vutomi bya ximunhu, mimoya, havumbirhi vavanuna na vavasati.

<sup>48</sup> Kutani, endzhaku ka nkateko lowu hinkwawo lowu jaha leri ari ri na wona, wa vona, u vile eka “xitarata lexi nga olova,” hi swi vitanisa sweswo, endhawini leyi a nga fanelanga hi ku vilela ngopfu. Vatswari va yena a vari na mali. A ri na . . . A ri . . . U vile mufuwi. Bibebe ya swi vula lahawani, swa . . . tani hi lontsongo, jaha ra hosana ra mufuwi. Nakona ha swivona . . . Eka xiyimo lexi ntsongo, nkarhi wun’wana xa ku kondlo a ndzi dyi, ntsena loko wa ha ku huma exikolweni, ntsena ku huma eka ku grajuweta, nkarhi wun’wana, mavhiki matsongo swi nga se fika, kumbe swin’wana, u vile . . . A ri mufuwi, nakona a ri na hinkwaswo leswi mbilu yi nga swi navelaka.

<sup>49</sup> Nakona mufana a ngari yena ricky wa ximanguva lawa. A ri ricece ra kahle. Ndzi pfumela leswaku, loko Luka a tava a tsarile ha swona, kumbe Marka, ndzi pfumela leswaku a kuri yena, Yesu u n’wi langutile kutani a hefemuteka, hikuva A n’wi rhandza. Wa vona? Kuna swin’wana hi n’wana loyi. A kuri na vumunhu bya kahle byi nga phasana na n’wana loyi. Xana a hume kwihi? Eka ndyangu wa kahle lowu wu nga n’wi dyondzisa milawu ya Xikwembu, ni ku vona leswaku wa yi hlayisa. Nakona u yi hlayisile, kusukela evuntshweni bya yena ku ya ehenhla.

<sup>50</sup> Nakona mufana loyi ari na xidumo; a lava Vutomi lebyi nga Heriki. A ku, “Mufundhisi Lonene, xana ndzi nga endla yini leswaku ndzi va na ndzhaka ya Vutomi lebyi nga Heriki xana?”

<sup>51</sup> Wa vona, eka hinkwaswo leswi u nga na swona emisaveni, hambi swi ri tano moyo lowu wu nga endzeni ka wena wa ku byela leswaku ku na swin’wana u swi lavaka, leswi u nga riki na swona. Ntsena hi rifuwo . . . Kumbe, a swi fanelanga leswaku minkarhi hinkwayo kuva rifumo. Ku nga hava kuri, ku duma, nhwenyana un’wana wa kahle, ari na kusaseka ka yena loku a nga ehleketa hakona. Nkarhi wun’wana u dume ngopfu exikolweni. Kumbexani jaha ri nga ha kuma nhwenyani un’wana na un’wana loyi a n’wi lavaka. A titwa a sirhelelekkile. Byebyo a hi vusirheleri. Byebyo byi ta hundza kukotisa xiluva ensin’wini. Wa vona? Byi ta famba. A byi nge teki nkarhi. Ntsena ku jika kungani kungani ka dyambu, kutava ku fambile, kutani u tava uri na moyo lowu wu nga ta fanela ku hanya hilaha ku nga Heriki.

<sup>52</sup> Nakona n’wana loyi lontsongo a nga hava a vile na vumunhu bya kahle, hikuva u tiyisile yena hi yexe eka Hosi Yesu, a ri karhi a switiva leswaku wa tikhizamela yena n’winyi. U teri, “Mufundhisi lonene, xana ndzi nga endla yini leswaku ndzi va na vutomi lebyi nga Heriki xana?”

<sup>53</sup> A ku, “U ndzi vitaneli yini lonene,” a ku, “loko u ri karhi u switiva leswaku kuna Un’we ntsena lonene, nakona yaloye i Xikwembu?” Wa vona? Xana jaha leri ari hlamusela yini ha leswi? Leswaku Yena ari Xikwembu. Wa vona? A ku, “Wa yi tiva milawu. Yi hlayisi.”

A ku, swingaleswi a ku, "Xana i milawu yihi, Mufundhisi?"

<sup>54</sup> A ku, "Milawu ya ku "xixima tata wa wena na mana wa wena,' na kuya emahlweni."

<sup>55</sup> A ku, "Leswi ndzi swi endlile, kusukela evutsongwanini bya mina. Wa vona, ndzi swi endlile leswi."

<sup>56</sup> A ku, "Hambi swi ri tano wa ha xota xilo xin'we. Famba, u ya xavissa leswi u nga na swona, u swi nyika swisiwana, u ta u Ndzi landza."

<sup>57</sup> A wuri nkateko wa njhani! Kwalaho ku nga hava kuri Petro, Yakob, kumbe Yohana, un'wana wa vona. Wa vona, n'wana a leteriwile a tlhela a kurisiwa kahle, a tlhela a tiyisa eka Kreste, ku ya n'wi tirhisa. Nakona hinkwawo matimba lawa a ya ri eka yena, ku matirhisa, nkarihi wun'wana kuva a dyondzekile, ari lontsongo, mufuwi, wa nkucetelo, laha a tava a kombisile Evhangeli, kutani hambi swi ri tano a Yi tekela ehansi. I—i gugu ra njhani leri ari ri eka mufana yaloye lontsongo! Wa vona?

<sup>58</sup> "Ndzi landzi." Sweswi, wa vona, a fanele hi ku landza un'wana. Sweswi, a fanele kumbexani ku landzelela nkucetelo wa vanhu lava a tshama na vona, nkucetelo wa ntombhi leyintsongo, nkucetelo wun'wana wa genge ya vafana lava a tshama na vona, vanghana va yena vale xikolweni, kumbe ku landza Yesu Kreste. Eka hinkwabyo vukahle bya yena, hambi swi ri tano a switiva leswaku a nga na byona Vutomi lebyi byi nga Heriki.

Vana, sweswo hi leswi u fanelaka ku eheketa ha swona. Wa vona?

<sup>59</sup> Sweswi langutani mufana loyi vusiku lebyi, leswi a fanele ari xiswona, ni leswi a nga xiswona, leswi a nga xiswona vusiku lebyi. U kun'wana. Ari munhu. U le kun'wana. U rindzerile ku Avanyisa. U rindzerile ku kongomana na ku Avanyisa hi Siku lero, ku tekela ehansi nkateko wo fana lowu wu tisiwaka eka n'wina vana, hakanyingi ehansi ka xiyimo xo fana; vana va kahle, va vumunhu, ni vatatana va kahle na va manana, leswi mi nga na swona, a wu fanelanga hambi kuri ku tirha handle kaloko u swi lavisa swona. Wa vona?

<sup>60</sup> Kambe kuna swin'wana leswi swi fambisanaka na sweswo. Ku na swin'wana leswi swi fambisanaka na sweswo. Rito lero, vusiku lebyi, ri ngaka ri nga fi. Ra hari ntlhontlo eka jaha rin'wana na rin'wana, eka ntombhi yin'wana na yin'wana, "Ndzi landzi." Wa vona?

<sup>61</sup> Marito a ma fi. Hambi u nga vulavula xin'wana na xin'wana, ntsena tsundzukani, hambi swi le movheni ya wena exihundleni, hambi swi le phulphitini, hambi swi le khoneni ya xitarata uri na jaha ra wena leri u rhandzanaka na rona kumbe nhwenyana loyi u rhandzanaka na yena, hambi ku ngava kuri kwihi, ya ngaka ya nga fi. Ya—ya boheka ku hanya hilaha ku nga heriki.

<sup>62</sup> Loko ndzi vonile nhwenyana yaloye ndzi nga...vusiku byin'wana eka xivono, xinhwenyetana xo xonga, mutlangi wa Hollywood, nakona a ndzi n'wi vona a ri kufeni, a ri karhi a fikelela, a ri karhi a ringeta leswaku a pfuniwa. U file hi vuvabyi bya mbilu, Miss Monroe. Nakona sweswo a swi ri swa malembe mambirhi lawa ya nga hundza, nakona ndzi n'wi vonile loko a fa. Nakona endzhaku ka masiku mambirhi u vuye a fa.

<sup>63</sup> Kutani, vusiku byin'wana, ndzi twile rito ra nhwenyana yaloye. Njhani? Vana a vari eku ndzi byeleni leswaku, "Papa, loko u rhelela hi Nambu Lowu Ku Nga Ha Theleriwiki Endzhaku, nkarhi hinkwawo." Va ku, "Vana ntlangu wo kotisa walowo, vusiku lebyi." Va ndzi byerile leswaku vusiku byin'wana wu ta kombisiwa, vhiki kumbe mambirhi lawa a ya hari emahlweni. Ndzi ehleketa, "Kunene, ndza swilava ku wu vona walowo, hikuva a ndzi ri eka wona nambu walowo, kambirhi kumbe ka nharhu; kwalomu ko ringana ka ntlhanu, ndza ehleketa." Kunene, ndzi—ndzi lave ku wu vona.

<sup>64</sup> Nakona Miss Marilyn Monroe hi yena loyi a wu tlanga. Kunene, yaloye i nhwenyana loyi ndzi nga n'wi vona eka xivono. Nakona lahay a ri kona, eka xifaniso, na tiekixini, hi maendlelo ya n'we lawa a nga ma endla eka Nambu Lowu Ku Nga Ha Theleriwiki Endzhaku, loko a tava a tekile xifaniso xexo, kumbexani khume ntlhanu wa malembe lawa ya nga hundza. A xi ri xifaniso xa khale, nkarhi wun'wana makume mbirhi wa malembe lawa ya nga hundza. Nakona a file malembe mambirhi. Nakambe hi luya lahay a kona, a ri karhi a hanya, ekixini yin'wana na yin'wana na rito rin'wana na rin'wana. Wa vona? Hambi swi ri tano ra ha khomiwile eka thepi ya maginetiki kufikela laha ri hanyaka nakambe.

<sup>65</sup> Kungari sweswo ntsena, kambe hinkwaswo leswi hi swi vulaka swa hanya. Rito rin'wana na rin'wana leri hi ri vulaka ri ngaka ri nga fi. Ku nghena ekamareni i rito sweswi, swivumbeko swa vanhu. Thelevhixini ya swi rhwalela. U nga ha lulavula lahayani, kutani va ku twa misava hinkwayo, hi sekondo yaleyo. Hambi loko u nga se switwa eka kamara leri, swi famba na misava hinkwayo, hi electroniki.

<sup>66</sup> Na xikirini lexikulu xa Xikwembu xa swi rhwalela sweswo. Ku tshukunyuka kun'wana na kun'wana na maendlelo lawa u ma endlaka, mi ta fanela ku hlangana na swona eka ku Avanyisa. Wa vona? Swingaleswi, nakulorhi lontsongo, i nchumu wa kahle ku swi tshika, mi ehleketa hi swilo leswi, wa vona, hikuva mi ta hlangana na swona nakambe. Wa vona?

<sup>67</sup> A hi lavisiseni jaha leri, nkateko lowu ari na wona, kutani u tivekela endhawini ya yena. Na nhwenyana, ntsena swa fana ni loko kuri Becky na Marilyn, ntsena tani hiloko u yimile endhawini ya yena, nakona u nga ha ritwa Rito lero leri ra ha hanyaka.

<sup>68</sup> Ra ha hanya. Ra ha famba-famba. Sayense yi ri, "Hi malembe ya makume mbirhi kusukela sweswi, va ta khoma Rito ra Yena leri ri hlayiwaka leri Yena a nga ri vula, gidi mbirhi wa malembe lawa ya nga hundza." Ra ha hanya. Tani hi xiribyani xa rhandavula lexi xi nga hoxiwa elwandle, magandlati a ma heli. Ma ya eribuweni, magidi ya timayili, ma tlhela ma tlhelela endzhaku.

<sup>69</sup> Loko rito ri tshama ri vulavula emoyeni tani hi sweswo, a ri fi. Kuhava leswi u nga swivulaka eka ku Avanyisa. Ri kwalahaya. Ku tava na Rito ra Yesu Kreste ri bohaka jaha lero leswaku, "Ndzi landzi," kutani yena a fambela ekule, eka xikirini, hi maxangu, hikuva ari na rifuwo lerikulu. Wa vona? Hi nga hava hi ngari na . . . A hi minkarhi hinkwayo hi nga tava na mali. Ku nga hava swin'wana. Wa vona? Hinkwaswo leswi hi swi rhandzaka hi nga swi khomelela kutlula ku endla ku vitana kwaloko, wa vona, swi va kukotisa mali eka hina. Swi va swin'wana leswi swi hi onhaka.

<sup>70</sup> Sweswi a hi n'wi landzeleriseni nyana. Xana ku humelerile yini loko a ta fambela ekule? A nga kalanga a ri yingisela Rito lero ra Kreste. U ti famberile na vanghana va yena.

<sup>71</sup> Laha, n'wina vana, hinkwerhu mi vana va kahle, nakona ma boheka ku va na vanghana, kambe langutisani leswaku i munghana wa njhani loyi mi nga na yena. Loko munghana yaloye a landzelela Kreste, famba na yena munghana yaloye. Landzelela Kreste, na wena. Kambe loko swi ngari tano, u nga swi endli.

<sup>72</sup> A hi n'wi languteni. Hi kuma leswaku, nkarhi wun'wana a nga ha hlayisa vanghana va yena. A va hosana ya kahle. A ri hosana kwalaho. Endzhaku, hi kuma leswaku u humelerile kufikela laha a—a—a fanelaka ku aka madulu ya yena yo tala leswaku a ta kota ku veka swilo swa yena kona. Kutani hiloko a ku eka yena n'winyi, endzhaku kaloko a tava a dyuharile, na ku tihayisa eka vutomi bya loko ari lontsongo na swin'wana a nga swi hundza, hinkwaswo leswi a nga swi endla, nkarhi wun'wana, a titsakisa.

<sup>73</sup> Loko mukhalabya kumbe mukhiegula, kukotisa mina, nsati wa mina, vamanana va n'wina na vapapa, kuhava nchumu lowu va nga wu ehleketa. A va swikoti, a va swi lavi ku huma ni—ni kuya ehenhla na le hansi eswitarateni, maswitiva, tani—tani hi vanakulorhi lavantsongo, na tintombhi. Ku vulavurisana, leswaku i mani loyi a nga tava nsati wa wena kumbe nuna wa wena, kumbe, wa vona, a va na swona sweswo emiehlekeweni ya vona. Vona, va na vana, lava va nga na ku tsakela. Laha ku nga tava n'wina hinkwerhu, mundzuku, loko hi leswaku ku tava na mundzuku. Wa vona?

<sup>74</sup> Kutani ma n'wi vona nakulorhi loyi, kutani, nkarhi wun'wana . . . Nkarhi wun'wana swi nga endleka a nga tekanga hambi kuri ku teka. Nakona, hambi swi ri tano, a ri hosana leyikulu. Nakona a tshamile ehenhleni ka . . .

<sup>75</sup> Nakona tani hiloko swi ri eYerusalem, hambi swi ri tano, namunthla, a va dyela ehenhla ka yindlu, eka nkarhi lowu wa siku, loko ku sungula ku hola, ni madyambu.

Nakona hi kuma ximunhuhatwa xin'wana xifananisiwaka na yena: mukomberi.

<sup>76</sup> Nakona wanuna loyi, kusukela eka kuva a kurisiwe kahle eka—eka ku xixima makhelwani, endlela van'wana tani hiloko u lava van'wana va ku endlela na wena. Wa vona, hi ku alela ku vitana kwaloko ka Kreste, ekuheteleleni... Swi ti komba tani hiloko, jaha ri kurisiwe ekaya ro kotisa lero, sweswo a swi nga ta n'wi fambela, kambe swi endlekile. Swi endlekile.

<sup>77</sup> Nakona lahaya a ku tshamile munhu a nyangweni, hi vito ra Lazaro, a ri karhi a n'wi kombela swakudya, nakona hi swa hava. A tava a dyile manhlanhla lawa a ya wisa, kambe a nga ma nyikanga hambi ari mukomberi, kambe a nyika timbyana. Nakona a tele hi swilondza. Kambe wanuna loyi ari munhu loyi a tivonaka etikweni, kutani, a nga hari na switwi. U vile mutekeli, hikuva u alerile ku nyika kwaloko ka Kreste.

<sup>78</sup> Nakona nkarhi wun'wana madyambu man'wana, eka lowu nkarhi, ari karhi a thusta hi tiwayeni ta kahle, na vavasati lava va rhandzekaka, maribye ya nkoka, va n'wi rhendzerile, na swin'wana swo kotisa sweswo, hi mbilu ya yena hinkwayo eka leswi a nga swi tsakelaka, na ku thusta. Mukamberi a tshamile enyangweni.

<sup>79</sup> Nakona ri nga se xa, hi mixo lowu a wu landzela, a ri atiheleni, a ri karhi a huwelela Lazaro leswaku a ta a ta chela mati eka ririmbi ra yena. Ku ncinka ka xivono.

<sup>80</sup> Nakona ma swi lemuka, loko a teri, "Tatana Abraham," sweswi, a ha swi tsundzuka leswaku Abraham a ri tatana wa Mayuda. A ku, "Tatana Abraham, rhumela mukomberi yaloye Lazaro na swimatana hi tintiho ta yena, ku ta ma vekela emilon'weni ya mina. Ku pfurha loku ka ndzi xanisa."

<sup>81</sup> Kutani u teri...kutani Abraham a ku, "I, a ndzi nge swi endli sweswo," hi marito yo tala. "Nakona handle ka leswi hinkwaswo, maswivona, u vile na nkateko evuton'wini."

<sup>82</sup> Xana u vile na wona rini? Loko Yesu a te, "Ndzi landzi." Kambe u swi tekeli ehansi. U fambile hi ndlela leyti a nga endlaka mali. Nakona hi swona sweswo, a ku hoxekanga nchumu hi ku endla mali, kambe landza Yesu loko wa ha swi endla. Wa vona? Nakona u fambile hi ndlela yin'wana, na ntshungu.

<sup>83</sup> Nakona u kuma leswaku, u teri, nakona Abraham u teri, "Handle ka hinkwaswo leswi, kuna ndzelekan lowu wu nga vekiwa exikarhi ka wena na yena, leswaku kuhava munhu loyi a nga tsemekanya a hundza, kuhava loyi a nga ta swikota. Lava va nga lahaya va ngaka va nga ti haleno, ni lava va

nga lahwani va ngaka va nga yi lahaya. Swi lunghisiwile. Kuhava munhu loyi a nga tsemekanya kumbe loyi a nga ta tsemekanya.”

<sup>84</sup> Kutani n’wi yingiseleni. U lava kuva muevhangeli kwalaho. Ku vitana loku Yesu a nga n’wi nyika kona, ya ku—ku N’wi landza, ari na xona, nakona leswaku a va muwini wa mimoya, tani hi jaha, u tlhelerile eka yena nakambe. U swi tsundzukile, leswaku u na ntlhanu wa vamakwenu, nakona endzhaku emisaveni, nakona a nga va lavi va va kona eka ndhawu yaleyo.

<sup>85</sup> U teri, “Rhumela Lazaro, kwalaho, a tlhela a ya byela vamakwenu va mina leswaku va ngati eka ndlela leyi.” Hi marito man’wana, “Amukela ku vitana ka ku, ‘Ndzi landzi.’” Wa vona?

Kambe a ku, “Vona, va ngaka va nga swi endli.”

<sup>86</sup> A ku, “Ina, loko un’wana a nga pfuka ekufeni, tani hi Lazaro, a tlhelela endzhaku a ya va byela.”

<sup>87</sup> Maswivona, swi kombisa leswaku, endzhaku kaloko hi file, wa hari na ripfalo. U tsundzukile. Abraham a ku, “Jaha, tsundzuka, emasikwini ya wena.” Wa vona? Wa ha tsundzuka. A wu famberiwi hi mikhumbhulo. Wa ha swi tsundzuka.

<sup>88</sup> Nakona mikhumbhulo leyi munhu a nga vaka na yona, nakona a va a ha ri eka ndhawu yaleyo, tsundzukani nkateko lowu ari na wona wo yingisela Yesu loko a ku, “Ndzi landzi.” Kambe u landzelerile munhu wo hoxeka, ntshungu wo hoxeka. A kumeka eka ntshungu wo hoxeka, kutani a ya endhawini yo hoxeka, a hetelela a ri eka Nkala makumu wo hoxeka; a va a mahlomulweni hi Siku lero, kusuka eka Xikwembu hilaha ku nga heriki.

<sup>89</sup> Nakambe Yesu u vule rito leri ri fayaka ra kahle, ““Hambi ku nga pfuxiwa un’wana ekufeni a tlhelela endzhaku, hambi swi ri tano a va nge yingiseli. Hikuva, va na wona nawu wa Muxe, kutani loko va nga wu yingiseli, kutani va ngaka va nga yingiseli ni loyi a nga pfuxiwa ekufeni. Va ngaka va nga yingisi.””

<sup>90</sup> Hikokwalaho ka yini? Hikokwalaho ka yini? Xana nawu wu ngava wu vulavula swin’wana swa mayelana na sweswo xana? Ina. “Endlela van’wana leswi u lavaka leswaku va ku endlela swona na vona.” Nakona a hanyile ehansi ka nawu. Kambe u tshikile mukombeli a fela enyangweni. Wa vona? U ha—ha hanyile ehansi ka kulerisa ka Xikwembu, nakona hambi swi ri tano u tsandzekile ku vona Vutomi lebyi nga Heriki lebyinene.

<sup>91</sup> Vana, n’wina, un’wana na un’wana, swi languteka ku kotisa na mina. N’wina, un’wana na un’wana, ntsena swi fana na vana va mina va xinuna na vaxisati. Hi ndlela yin’we, mi

tano, wa vona, hi ku vulavula ka ximoya. Hi swona sweswo. Hosi Xikwembu xi—xi vekile mimoya ya n'wina ehansi ka vuuhayiselo bya mina, hikuva mi tile, mi ta ndzi yingisela. Ma ndzi pfumela xana. Wa vona? Nakona hi matwele man'we ya rito, mi vana va xinuna va mina ni va xisati. Hi swona sweswo.

<sup>92</sup> Minkarhi hinkwayo tsundzukani, ku hlayisa ku lerisa ka Xikwembu i nchumu wa kahle. Ku tswaleriwela emutini wa kahle i ndzhaka leyi yi humaka eka Xikwembu. Ni kuva mi va vana va kahle na yumunhu kukotisa lebyi mi nga na byona, swi kahle. Swi sasekile, kuva na dyondzo. Swi sasekile hambi kuri ku hanya eka tiko leri ra ntshuxeko. Hi na swilo swotala leswi hi fanelaka ku swi khensa.

<sup>93</sup> Kambe ku na nchumu wun'we ntsena lowu u nga dyeki ndzhaka wa wona. Wo fanela ku Wu amukela. Byebyo i Vutomi lebyi byi nga Heriki. Nakona u ta swi endla ntsena hi ku landzela Yesu, hi ntokoto wa ku tswariwa ra vumbirhi. Mi nga swi hunisi sweswo.

<sup>94</sup> Ndzi tshame ndzi twa xitorhi nyana nkarhi wun'wana, xa munhu loyi, oho, a ri xisiswana. Nakona minkarhi hinkwayo a—a a lava ku... I xitorhi nyana xo saseka, nyana. Minkarhi hinkwayo xi tshama xi ri ka mina, hambi swi ri tano. Kutani siku rin'wana u khile xiluva. Nakona xiluva a xi ri na salamus, hiloko xiluva xi n'wi hlamula, xi ku, "U vile xisiswana vutomi bya wena hinkwabyo." Xi ku, "Sweswi kombela leswi u swi lavaka, kutani u ta nyikiwa swona."

<sup>95</sup> A ku, "Ntshava leyi yi nga lahaya a yi pfuleki, leswaku ndzi kota ku nghena endzeni ndzi kuma golidi endzeni ka ntshava."

<sup>96</sup> "Kunene," xi ku, "u ta fanela ku famba na mina hinkwako laha u yaka kona. Wa vona? U ta fanela ku famba na mina. Swingaleswi, hinkwako laha ndzi nga kona, kutani u nga ha kombela leswi u swi rhandzaka."

<sup>97</sup> U yile entshaveni, kutani ntshava yi pfuleka, kutani a nghena. Tixelufu a ti tele hi nsuku na tidayimani, tani hi xitorhi nyana xa kahle hilaha xi fambisaka xiswona. U tlhandlekile xiluva lexiya ehenhla ka—ka tafula kumbe ribye. Kutani a tsutsuma, a fika a vhungha ribye ro saseka lerikulu, kutani a ku, "Ndzi fanele ndzi ya ri kombisa eka vanghana va mina. Kutani sweswi ndzi xifumi. Ndzi na hinkwaswo sweswi. Ndzi boheka ku swi kombisa leswi."

<sup>98</sup> Kutani hiloko xiluva xi vulavula, "Kambe," xi ku, "u rivarile nchumu wa nkoka."

<sup>99</sup> Swingaleswi u tsutsumile a tlhelela a ya rhwalela, a ku, "Kunene, kumbexani ndzi—ndzi ta kuma xiphemu xa nsuku. Ndzi ta kuma xiphemu xa silivhere." Kutani swingaleswi a ku, "Ndzi—ndzi ta hatla ndzi huma, ndzi ya byela vanhu hi leswi ndzi nga fumisa xiswona, ni hinkwaswo leswi ndzi nga na swona."

<sup>100</sup> Kutani a ya enyangweni, kutani xiluva xi ku, “Kambe u rivala nchumu wa nkoka.”

<sup>101</sup> Hiloko a tlhelela endzhaku nakambe. A ku, “A ndzeni ka leswi hi kuma tinxaka hinkwato ta nhundzu.” Swingaleswi, u rhwalerile ribye. A ku, “Ndzi ta famba, ndzi teka ribye leri ndzi ya komba vanhu leswaku ntshava leyi yi endlive hi ribye ra njhani, swingaleswi ndzi nga ha kuma ndlela ya mina yo tlhelela eka yona.” Wa vona?

<sup>102</sup> Kutani hiloko a ha huma enyangweni, kutani xiluva xi ku, eka . . . i nkarhi wo hetelela, “U rivarile nchumu wa nkoka.”

“Oho,” a ku, “oho, miyela.”

<sup>103</sup> Wa vona, a nga ha lavanga ku xitwa nakambe, “U rivarile nchumu wa nkoka,” hiloko a tsutsuma a huma enyangweni. Kutani loko a tava a swi endlile, nyangwa wu pfariwa endzhaku ka yena, na xiluva lexi a xi ri endzeni. Nchumu wa nkoka a kuri xiluva. Wa vona? Nchumu wa nkoka a kuri xiluva.

<sup>104</sup> Malembe lawa ya nga hundza, tani hi n’wana, tani hilaha hinkwerhu mi nga xiswona, lahwani, ehenhla nyana lahwani laha ku byisiwaka tihomu kona, a henhla kale Phoenix. A ndzi ri eku hlayeni ka xiphemu, xa ku jongela, hi phepha leri a ri vulavula hi mujongeli. Kwalaho, a kuri hava mapatu yo fika lahwani, ntsena swindledyana swintsongo swa le saveni. Va ha jongela ngopfu lahwani, maswitiva.

<sup>105</sup> Kambe mujongeli loyi u nghanile, nakona u kumile mali yo tala, kutani a kuma nsuku wo tala. Kutani loko ari endleleni yo nghena, a tshama emukhukhwini lowu a nga wu kuma. Naswona ari na mbyana, kutani, mbya—mbya mbyana, a yi bohiwile ehandle. Nakona vusiku byebyo, ku nga hava kuri na loyi wa le handle ka nawu a n’wi sala hi le ndzhaku, ku ya kuma nsuku lowu. U wu rhwalerile eka timayini ta khale ta Spanish, kutani a nghena na wona. Hiloko mbyana yi sungula ku vukula.

<sup>106</sup> Kutani wanuna loyi a nga swilavanga ku karhatiwa hi mbyana yaleyo. A ku, “Miyela.” A ku, “Mundzuku, ndzi ta swi nghanisa, leswi e—e dorobeni.” Nakona ndzi ta . . . Vunene bya xitorhi a kuri leswaku. “Ndzi ta yi pima, nakona ndzi tava xifumi. Kutani ndzi ta xava timhovha ta kahle. Nakona ndzi tava na tinxaka hinkwato ta vavasati na mintlangu leyikulu. Nakona ndzi tava xifumi, hikuva khale ndzi kumile nkoxo. Ndzi na nsuku lahwani, wo tala wa wona.” Kutani a ku, “Ndzi ta . . .”

<sup>107</sup> Kutani loko a ha ringeta ku ya eku etleleni, mbyana a yi tshamela ro vukula, hikuva mbyana yi vonile loyi a nga riki wa muti a ta, a rhetemuka, a yimela mujongeli leswaku a ya eku etleleni.

<sup>108</sup> A pfuka nakambe, a huwelela mbyana nakambe, a ku, “Miyela.” Kutani mbyana ya xisiwana yi khondla ncila nakona a yi ringeta ku kombisa n’winyi wa yona leswaku nghozi yi le ku tumbeleleni—tumbeleleni. Nakona loko a . . .

<sup>109</sup> Hi nkarhi wun'wana, loko mbyana yi sungula ku vukula, mujongeli ari na xibalesa xa shotgun. A nga ha swilavi ku nyangatsiwa, hiloko a xi tlakusa a duvula mbyana. Kutani mujongeri u dlayiwile hi vusiku byebyo, hi mutluli wa nawu. Hinkwayo milorho ya yena leyi ngariki ya ntiyiso a yi n'wi endlelanga swa kahle. Hikokwalaho ka yini? U yivile rito leri ari ri eku n'wi tshinyeni.

<sup>110</sup> Kuhava munhu loyi a nga ringetaka ku endla nchumu wo karhi, n'wina vana, mi ngaka mi nga swikoti ku endla xin'wana na xin'wana xo hoxeka, endzhaku kaloko mi tava mi kurisiwile hi ndlela leyi mi nga xiswona, handle kaloko u nga twa swin'wana swi ku byela leswaku u nga swi endla. Sweswi, u nga tshuki u yiva rito lero leri ri ku tshinyaka.

<sup>111</sup> Nakona tsundzukani minkarhi hinkwayo, amukelani Rito leri ri nge, "Ndzi landzi," nakona minkarhi hinkwayo mi ta huma kahle. Ndzi pfumela leswaku mi ta swi endla. Ndzi tshembhela eka n'wina. Kambe ntsena minkarhi hinkwayo tsundzukani leswaku Yesu, Rito lero, ra hanya emisaveni vusiku lebyi.

<sup>112</sup> Ntsena swa fana, tani hilaha mpfumawulo wun'wana na wun'wana na rito rin'wana na rin'wana leri hi nga ri vulavula ra ha hanya, loko mpfumawulo walowo wu huma eka gandlati ra le henhla-henhla ra moya. Ku...Wa vona, mi na transmита lahwani leyi yi ri rhumelaka ehandle. Mi transmита leyi ri rhumelaka ehandle. Sweswi swi lava xitichi leswaku xi ri khoma.

<sup>113</sup> Nakona Yesu i Transmита ya Rito ra Xikwembu, hikuva A ri-ri swinharhu eka vun'we bya Xikwembu lebyi byi vonakarisiweke eka Munhu a ri un'we. A ri Xikwembu lexi hetisekeke na Munhu loyi a hetisekeke.

<sup>114</sup> Nakona vunharhu bya Xikwembu, vunharhu bya swihlawulekiso swa Xikwembu, tani hi kuva Tatana, N'wana, na Moya lowo Kwetsima, a swi yimeriwile hi Munhu yaloye a ri un'we, a nga Yesu Kreste. Swingaleswi, kwallahaya, A ri Rito.

<sup>115</sup> Nakona a ri Yena Transmита loyi a ngeteri, "Loyi a yingisaka Marito ya Mina, a pfumela eka Loyi a Ndzi rhumeke, u na Vutomi lebyi nga Heriki." Wa vona? "Ndzi tiyisile ndzi ri eka n'wina, loyi a yingisaka Marito ya Mina, a pfumela eka Loyi a Ndzi rhumeke, u na Vutomi lebyi nga Heriki." Sweswi, Rito lero ri humile ri suka eka Transmита. A ku, siku rin'wana, "Ndzi tiyisile ndzi ri eka n'wina, loko mi nga ku eka ntshava ley, 'Suka,' nakona mi nga kanakani etimbilwini ta n'wina, kambe mi pfumela eka leswi mi nga swivila leswaku swi ta humelela, mi nga hava na swona leswi mi nga swi vula."

<sup>116</sup> Sweswi, loko ntsena mi ngava xitichi xa ku khoma Sweswo, hi ku lawuriwa hi swin'wana leswi swi nga endzeni ka n'wina, hi ripfumelo, swi ta mi fambisa swi mi yisa eka

xirhendzevutani xa Xikwembu, kuya eka ku Tswariwa lokuntshwa, ni ku tswariwa ra vumbirhi. Kutani minkarhi hinkwayo mi tava eka vuhamanganisi, bya ku twa Rito lero leri ri nga ta ku tshinya loko khombo ri ri ekuteni. Loko swilo swi hoxekile, swi nga fambanga kahle, Ri tava ri ri xitshinyo eka n'wina minkarhi hinkwayo. Nakona, ematshan'wini ya kuva siku rin'wana u va u kotisa xifumi xexo xa jaha lexi a hi vulavula hi xona; vanani munhu loyi a kotsaka muapostola Petro, Paul, kumbe un'wana loyi a nga winela Yesu Kreste mimoya. Mi endla sweswo, vana.

Xana hi nga khongela?

<sup>117</sup> Hosi Yesu! Vantshwa, vavanuna na vavasati va mundzuku, loko hi leswaku mundzuku wu tava wu ri kona. Hi boheka kuva letela, Hosi. Ha wu twa ndhwalo walowo, wa ku va letela kukotisa loko kuri na mundzuku. Loko a nga ri kona, kutani namuntha i siku.

<sup>118</sup> Kutani, Tatana, ha switiva leswaku ku hava na un'we loyi a amukelekaka emahlweni ka Wena. Kuhava nyama leyi yi nga kwetsimaka. Kuhava dyondzo, tani hiloko yi ri kahle tani hi swilo leswi swi nga xiswona, kuhava mintirho ya kahle, kuhava xikolo xa vukhongeri, kuhava dyondzo ya miehleketo, kuhava nchumu lexi xi nga tiyisisaka Xikwembu handle ka Moya lowo Kwetsima. Hi Xona Xitirhisiwa, Xikwembu hi Xoxe, hi xivumbeko xa Vutomi lebyi nga Heriki, lebyi byi nga tata eka hina tani hi un'we-un'we. Nakona ha khensa ha leswi.

<sup>119</sup> Hi ntiyiso swihlamuseriwile loko Petro a tava a tivurile swidyoho. Yesu u teri eka yena, “A hi nyama na ngati swi nga ku hlavutela leswi. A wu swidyondzanga eka seminari. A wu kalanga u swi dyondza eka xikolo xin'wana.” I nchumu lowu a wu lava munhu ari yexe, swin'wana swa leswi swi nga amukeriwaka hi munhu ari un'we ha un'we. U teri, “Ehenhleni ka ribye leri Ndzi ta aka kereke ya Mina kona, nakona ttinyangwa ta tihele a ti nge swikoti ku yi hlula.” Ha swi khensa sweswo, Hosi.

<sup>120</sup> Rito lero ra ha hanya vusiku lebyi. Nakona kahari na timhandzi, timhandzi ta le handle, timhandzi leti ti nga yingisela, switichi swo amukela, swa ripfumelo, leswi swi nga Ri amukelaka. Ha khongela leswaku un'wana na un'wana wa vana lava u ta swi amukela Sweswo, Hosi, etimbilwini ta vona. Ni ku tsundzuka leswaku, kungari leswaku leswi va swi endlaka swi kahle, kambe va...Xikwembu a xi hi avanyisi hi leswi hi swi endlaka, kambe hi leswi hi swi pfumelaka. Hi ponisiwile hi ripfumelo ra hina, nakona kungari mintirho ya hina. Swingaleswi ha khongela, Tatana wa le Matilwени, leswaku va ta khoma xivono sweswi, ni ku vona ni ku yingisela xirhambo xexo xa kahle xa laha ku nga Heriki, xa ku “Tana, u Ndzi landza.”

<sup>121</sup> Leswaku un'wana na un'wana wa vona, Hosi, veka etlhelo swilo hinkwaswo swa misava, vutomi byo dzhiva, lebyi byi bolaka. Tani hilaha va nga lahawani vusiku lebyi, na misisi ya vona ya nsuku wa blond, kutani van'wana va vona va na misisi ya ntima, na mahlo yo zwihalala, na mahlo ya wasi, nakona va tshamile eka ku antswa ka vona laha ava nga tava vari kona.

<sup>122</sup> Kutani tani hi mutsari wa kahle loko a teri, “Tsundzuka Mutumbuluxi wa wena emasikwini ya vuntshwa bya wena, loko masiku yo biha ya nga tshuneli. Kutani a wu ngevi na ntsako eka vona.” Njhani, Hosi Yesu, U teri eka Petro, “Loko wa hari lontsongo, u kurile u kongoma laha u lavaka kuya kona. Kambe loko mi dyuhala, un'wana a ku tlakula loko u nga ha fambi.” Va pfumeleli va tsundzuka, “Sweswi hi leri siku. Hi lowu nkarhi.” Hi nyike swona, Tatana.

<sup>123</sup> Ndzi koxa un'wana na un'wana wa vona, eka n'wana loyi a nga wa mina, lahawani madyambu lawa, eka n'wana un'wana na un'wana loyi a nga lahawani. Ndza titwa leswaku U swi vekile emavokweni ya mina, ku va langutisa. Ndza va koxa hinkwavo ka vona, kusuka eka Sathana na kusuka eka rifu, ku ya eVuton'wini eka Yesu Kreste. Amen.

<sup>124</sup> A xi mikatekisi, vana. A swi sasekile ku vula marito mantsongo eka n'wina. Nakona ndzi ta tlhelela endzhaku na, Billy. Vana va kahle, ndza mi khensa. Makwerhu Fred, Hosi a yi ku katekisi. Hosi a yi ku katekisi, sesi.



*TANA, UNDZI LANDZELA* TSO63-0601  
(Come, Follow Me)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Mqhivela na madyambu, Khotavuxika 1, 1963, eHouse Meeting eTucson, Arizona, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
P.O. Box 178, SOMERSET WEST, 7129 CAPE PROVINCE,  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)